



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 414
e – mail: info@voda.ba

Broj: **UP-I/25-3-40-013-3/21**
Datum: **16.02.2021. godine**

«Agencija za vodno područje rijeke Save» Sarajevo rješavajući po službenom zahtjevu „Sektora za upravljanje vodama“ AVP Sava u predmetu izdavanja vodne dozvole za radove na izgradnji zaštitnog vodoprivrednog objekta - produženju lijevog odbrambenog nasipa uz rijeku Bosnu u dužini od 900m, na osnovu člana 109. stav (1) tačka 8. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), donosi

RJEŠENJE o vodnoj dozvoli

1. Investitoru «Agenciji za vodno područje rijeke Save» Sarajevo daje se vodna dozvola za korištenje i upravljanje lijevog odbrambenog nasipa uz rijeku Bosnu u dužini 900m' (produženje postojećeg nasipa), dionica: Neteka – naselje Ada na području općine Odžak, a u postupku pribavljanja upotrebne dozvole.
2. Ova vodna dozvola, shodno članovima 117. stav (1) i 129. Zakona o vodama se daje sa rokom važenja od 15 (petnaest) godina od dana pravosnažnosti ovog rješenja.
3. Vodna dozvola se daje na osnovu činjeničnog stanja utvrđenog na licu mjesta i pregleda projektne i druge dokumentacije, pod slijedećim uslovima:
 - 3.1. Da se redovno vrši pregled izgrađenog nasipa, provjerava njegovo stanje i zapisnički konstatuju eventualna oštećenja.
 - 3.2. Da se vrši redovno tekuće održavanje nasipa, uklanjanje izrasle vegetacije (košenje najmanje 2 puta godišnje) i održavanje šljunčanog kolovoza po ukazanoj potrebi, kako bi objekat bio u potpuno funkcionalnom stanju u skladu sa njegovom prirodom i namjenom.
 - 3.3. Da se održavanje, korištenje i osmatranje vodnog objekta vrši prema Općem aktu o održavanju, korištenju i osmatranju zaštitnih vodnih objekata na poplavnom području Odžačka Posavina "Agencije za vodno područje rijeke Save" Sarajevo od augusta 2020. godine.
4. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
5. Prije isteka važnosti ove vodne dozvole, Investitor je dužan da podnese zahtjev za izdavanje nove vodne dozvole.

O b r a z l o ž e n j e

Investitor, «Agencija za vodno područje rijeke Save» Sarajevo putem „Sektora za upravljanje vodama“ Agencije, je podnio zahtjev 14.01.2021. godine za izdavanje vodne dozvole za izgradnju (produženje) lijevog odbrambenog nasipa uz rijeku Bosnu u dužini 900m', dionica: Neteka – naselje Ada na području općine Odžak, a u postupku pribavljanja upotrebne dozvole.

Uz zahtjev je dostavljena i na raspolaganju bila sljedeća dokumentacija:

- Kopija aktuelnog Rješenja sudskog registra Općinskog suda u Sarajevu, broj: 065-0-RegZ-14-002716 od 21.04.2014. godine izdato od strane Općinskog suda u Sarajevu;
- Kopija uvjerenja o poreznoj registraciji, Porezna uprava FBiH - Kantonalni porezni ured Sarajevo, od 14.12.2012. godine;
- Kopija rješenja o odobrenju gradnje broj: 05-23-145/2019 od 10.06.2020. godine, izdato od strane Službe za prostorno uređenje i katastar nekretnina, Općina Odžak;
- Kopija rješenja o vodnoj saglasnosti: UP-I/25-2-40-506-3/19 od 16.09.2019. godine;
- Kopija završnog izvještaja o provođenju stručnog nadzora nad izvođenjem radova broj: 270/20 od 10.04.2020. godine, Rudarski institut d.d. Tuzla;
- Opći akt o održavanju, korištenju i osmatranju zaštitnih vodnih objekata na poplavnom području Odžačka Posavina "Agencije za vodno područje rijeke Save" Sarajevo, august 2020. godine.
- Glavni projekat - „Lijevi odbrambeni nasip uz rijeku Bosnu, dionica: Neteka – naselje Ada na području općine Odžak, (knjiga I i II) urađen od strane „SPREČA“ d.d. Tuzla, juni 2016. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19 i 41/20), ovaj organ je pokrenuo upravni postupak, te je dana 12.02.2021. godine izvršen obilazak predmetnog objekta i tom prilikom je sačinjen zapisnik o uviđaju broj: UP-I/25-3-40-013-2/21 od 12.02.2021. godine.

U postupku izdavanja vodne dozvole utvrđeno je da su predmetni radovi izvedeni u skladu sa projektnom dokumentacijom koja je stavljena na uvid voditelju postupka prilikom vršenja uviđaja i ranije izdatim vodnim aktima (prethodna vodna saglasnost i vodna saglasnost).

Na osnovu dostavljene dokumentacije i uviđaja izvršenog na predmetnoj lokaciji, u svrhu pravilnog korištenja i održavanja predmetnog zaštitnog objekta i njegove funkcionalne ispravnosti, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi kojih se dužan pridržavati prilikom održavanja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za izgradnju (produženje) lijevog odbrambenog nasipa uz rijeku Bosnu u dužini 900m', dionica: Neteka – naselje Ada na području općine Odžak, te je riješeno kao u dispozitivu ovog Rješenja.

Uputa o pravnom lijeku:

Protiv ovog rješenja može se uložiti posebna žalba Federalnom ministarstvu poljoprivrede, vodoprivrede i šumarstva Sarajevo u roku od 15 dana od dana prijema ovog rješenja.

Žalba se predaje Agenciji za vodno područje rijeke Save (ul. Hamdije Čemerlića 39.a Sarajevo), neposredno pismeno, usmeno na zapisnik ili preporučeno putem pošte. Žalba se taksira sa 15 KM federalnih taksi po Tar. br. 3. tarife federalnih administrativnih taksi.

Voditelj postupka:

Nihad Pezo, dipl.inž.građ.

Prilog:

- Glavni projekat „Lijevi odbrambeni nasip uz rijeku Bosnu, dionica: Neteka – naselje Ada na području općine Odžak, (knjiga I i II) urađen od strane „SPREČA“ d.d. Tuzla, juni 2016. godine;
- Opći akt o održavanju, korištenju i osmatranju zaštitnih vodnih objekata na poplavnom području Odžačka Posavina "Agencije za vodno područje rijeke Save" Sarajevo, august 2020. godine.

Po ovlaštenju
Rukovodilac sektora za izdavanje
vodnih akata

Haris Ališehović, dipl.inž.građ.



Dostaviti:

- «Agencija za vodno područje rijeke Save», Sektor 10 (Prilog);
- ⊖ AVP Sava, ISV - vodna knjiga - ovdje;
- Arhiva - ovdje;
- AVP Sava - Oglasna ploča